

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK

Služba za stručne i zajedničke poslove

Broj: 02/3-05-5535/18

Bihać, 11.02.2019.godine

Na temelju člana 64. stav (1) tačka b), člana 70. stav (1) Zakona o javnim nabavkama („Službeni glasnik BiH“ broj: 39/14), člana 52. stav (1) tačka c) Statuta Grada Bihaća („Službeni glasnik Grada Bihaća“ broj: 13/15), na preporuku Komisije za javnu nabavku imenovane rješenjem broj: 02/3-05-5535/18 od 07.12.2018.godine, Gradonačelnik donosi:

ODLUKU

o izboru najpovoljnijeg ponuđača

Član 1.

Prihvata se preporuka Komisije za nabavku broj: 02/3-05-5535/18 od 01.02.2019. godine i Ugovor za javnu nabavku goriva za potrebe Gradskog organa uprave Grada Bihaća dodjeljuje ponuđaču D.o.o. „PETROL-P“ Bihać, ponuda broj: 31/1/19 od 31.01.2019.godine čija cijena ponude iznosi 40.414,64 KM (slovima: četrdesethiljadačetiristotinečetрнаest 00/100 konvertibilnih maraka) **bez popusta i bez PDV-a.**

Član 2.

Izabrani ponuđač je dužan da u roku od 5 (pet) dana od dana prijema ove Odluke dostavi originale ili ovjerene kopije dokumentacije iz člana 45. Zakona o javnim nabavkama.

Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, ugovor za javnu nabavku dodijelit će se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Prijedlog Ugovora o nabavci dostavit će se na potpis izabranom ponuđaču nakon isteka roka od 10 dana računajući od dana kada su svi ponuđači obaviješteni o izboru najpovoljnije ponude.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, sukladno članu 71. stav (2) Zakona o javnim nabavkama.

Obrazloženje

Postupak je pokrenut Odlukom o pokretanju postupka javne nabavke broj: 02/3-05-5535/18 od 22.11.2018.godine.

Predmet javne nabavke je nabavka goriva za potrebe Gradskog organa uprave Grada Bihaća.

Javna nabavka je provedena putem konkurentskog zahtjeva za dostavu ponuda, a kriterij

za dodjelu ugovora najniža cijena.

Procijenjena vrijednost nabavke iznosi 42.700,00 KM bez PDV-a.

Komisija za javnu nabavku imenovana je Rješenjem broj: 02/3-05-5535/18 od 07.12.2018.godine.

Na osnovu Obavještenja o javnoj nabavci na Portalu agencije za javne nabavke broj: 1034-7-1-128-3-43/18 objavljenog dana 06.12.2018. godine i Ispravke obavještenja o nabavci broj: 1034-7-1-128-8-3/19 od 22.01.2019. godine izvršeno je prikupljanje ponuda za predmetnu nabavku.

U ostavljenom roku za dostavljanje ponuda pristigle su ponude ponuđača:

R.br.	PONUĐAČ	SJEDIŠTE
1.	D.o.o."PETROL-P" BIHAĆ	Zaobilaznica bb, Bihać
2.	D.o.o."REZ" Cazin	Stijena 134, Cazin
3.	D.o.o."ČAVKUNOVIĆ-BP" Bihać	Banjalučka bb, Bihać

Komisija je dana 31.01.2019.godine u 13:00 izvršila otvaranje pristiglih ponuda, sačinila Zapisnik o otvaranju ponuda i dostavila ponuđačima.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je na I radnom sastanku održanom 31.01.2019.godine utvrdila da su pristigle ponude blagovremeno zaprimljene, ispravno naslovljene i dostavljene u zapečaćenoj koverti.

Nakon detaljne analize pristiglih ponuda utvrđeno je da ponuda koju je dostavio ponuđač: D.o.o."ČAVKUNOVIĆ-BP" Bihać, Banjalučka bb Bihać, ne ispunjava uslove za kvalifikaciju.

Ponude ponuđača D.o.o."PETROL-P" BIHAĆ i D.o.o."REZ" Cazin, su analizirane sa aspekta ispunjenosti zahtjeva u pogledu opisa predmeta nabavke i zahtijevanih tehničkih karakteristika te je utvrđeno da iste ispunjavaju zahtjeve u pogledu opisa predmeta nabavke i traženih tehničkih karakteristika.

Za predmetni postupak javne nabavke predviđeno je provođenje e-Aukcije, koja je zakazana i provedena dana 07.02.2019. godine u 14:00 sati u trajanju od 15 minuta. Nakon provedene e-Aukcije, konstatovano je da je bilo promjena cijena ponuđača u smislu snižavanja ponuda, pa prema izvještaju o toku i završetku e-Aukcije, konačna rang lista ponuđača glasi:

1. D.o.o."PETROL-P" BIHAĆ

-ukupna cijena ponude bez PDV-a, iznosi 40.414,64 KM, a sa uračunatim PDV-om ukupna cijena iznosi 47.285,12 KM.

2. D.o.o."REZ" Cazin

-ukupna cijena ponude bez PDV-a, iznosi 40.457,32 KM, a sa uračunatim PDV-om ukupna cijena iznosi 47.335,06 KM.

Primjenom e-Aukcije u predmetnom postupku snižena je ukupna cijena ponude ponuđača. Prema navedenom konstatuje se da su podjednako snižene i jedinične cijene u odnosu na prvobitne cijene iz Obrazaca za cijenu ponude za ukupno 5,61148 %. Prema tome jedinična cijena za nabavku 16.500 litara Dizel BAS EN 590:2008 iznosi 1,8655 KM po litri, a

jedinična cijena za nabavku 5.750 litara Benzin PREMIUM BMB-95 EN 228 iznosi 1,676 KM po litri, a cijena za obje vrste goriva je izražena bez obračunatog PDV-a. Sveukupna cijena za obje vrste goriva iznosi 47.285,12 KM, sa uračunatim PDV-om. PDV-e iznosi 6.870,48 KM.

Obzirom da je kriterij za dodjelu ugovora u predmetnom postupku nabavke bio najniža cijena te da je utvrđeno da je ponuđač D.o.o."PETROL-P" BIHAĆ dostavio ponudu sa najnižom cijenom ispod procijenjene vrijednosti nabavke, Komisija za nabavke daje preporuku, shodno članu 70. Zakona o javnim nabavkama, donošenje Odluke o izboru ponude ovog ponuđača kao najpovoljnijeg.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te pregled i ocjenu ponuda u skladu s kriterijima iz tenderske dokumentacije.

Cijeneci navedenu preporuku iz člana 1. i primjenom člana 64. stav (1) tačka a), člana 70. stavovi (1), (3) i (6) Zakona o javnim nabavkama („Službeni glasnik BiH“ broj: 39/14), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“ broj: 103/14), člana 52. stav (1) tačka c) Statuta Grada Bihaća („Službeni glasnik Grada Bihaća“ broj: 13/15 Gradonačelnik donosi Odluku o izboru najpovoljnijeg ponuđača.

POUKA O PRAVNOM LIJEKU: Protiv ove Odluke ponuđač koji je učestvovao u postupku nabavke može podnijeti pismenu žalbu najkasnije u roku od (5) pet dana od dana prijema Odluke.

Žalba se podnosi sukladno odredbama člana 99. i 101. Zakona o javnim nabavkama Uredu za razmatranje žalbi BiH, putem Ugovornog organa na adresu Bosanska br.4. 77000 Bihać u tri primjerka.

Voditelj postupka
Jasminka Poljak, dipl. pravnik

Gradonačelnik
Šuhret Fazlić

Dostaviti:

1. **D.o.o."PETROL-P" BIHAĆ Zaobilaznica bb, Bihać**
2. **D.o.o."REZ" Cazin Stijena 134, Cazin**
3. **D.o.o."ČAVKUNOVIĆ-BP" Bihać Banjalučka bb, Bihać**
4. Služba za stručne i zajedničke poslove
5. a/a